

¡BOMBA!

Pese a toda componenda la verdad saldrá a la luz y quedará atrás la cruz que hicieron cargar a Brenda



K'intsil

Lunes 16 de junio de 2025

CAMPECHE · YUCATÁN · QUINTANA ROO · AÑO 10 · NÚMERO 2499 · www.lajornadamaya.mx

Chak peek saj La Haya ti'al u k'áata'al ka beeta'ak wa ba'ax ti'al "ma' u kíinsa'al máak"



Afp / p 29
Oochel Ap

Yéetel u chak nooko'obe', yaba'ach máaxo'ob tu líik'saj u t'aano'ob le domingo máanika', tu bejilo'ob La Haya ti'al u k'áatiko'ob ti' neerladail jala'ache' ka yanak u jets'ik ba'ax ken u beet tu táan máaxo'ob "kiinsik wiinik" tu kaajil Gaza.

Te'el súutuko' táakpaj kex 150 mil máako'ob, beey a'alab tumen máaxo'ob jo'olbes u beeta'al.

U múuch'ilo'ob máak kaláantik ka chíimopla'ak u páajtalil máako'ob,

je'el bix Amnistía Internacional yéetel Oxfame', tu beeto'ob páayt'aan ti'al yanchaj te'el kaajo', ts'o'oke' k'uch tak Corte Internacional de Justicia.

Máaxo'ob tu líik'saj u t'aano'obe', tu k'a'abéetkunso'ob u banderasil Palestina yéetel tu yawato'ob «Stop al genocidio», tu bono'ob yéetel chak u k'íiwikil le noj kaajo'.

Béeychaj u xo'okol u ts'iibil «Ma' a paakate'ex yaanal tu'ux,

beete'ex wa ba'ax», «Je'else'ex neerladesil táakmuk'tajil» yéetel «Mak a chi'ex kéen wenek paalal, ma kéen kíimiko'obi».

Beyxan páayt'anta'ab nerlandesil jala'ach ka u kaxt uláak' bix u beetik ti'al u je'elsa'al Israel.

«U kajnáalilo'ob Gazae' ma' táan u béeytal u páa'tajo'ob, ts'o'oke' Países Bajose' unaj u beetik tuláakal ba'ax ku páajtal ti'al u kaxtik ka

ch'éenek u kíinsa'al máak», a'alab te'el xíimbalil líik'saj t'aano'.

Neerlandesil yáax ministro tu bin u jóok'ole', Dick Schoof tu ts'iibtaj ti' Xe': «Ti'al tuláakal máaxo'ob yaan La Hayae', kin wa'alikte'ex: k-ilike'ex yéetel k-u'uyike'ex». «Tu ts'o'oke', jump'élili' ba'ax k-k'áati': u xu'ulsa'al loobilaj Gaza tu séebanil kun páajtal».